

LA PUNT



Infuormaziuns

da la corporaziun evangelica
Ardez-Ftan-Guarda



**AVUOST, SETTEMBER ED OCTOBER
2022**

Davart inscunters, tradiziuns ed üna premiera

Cur ch'eu scriv quist text sun las vacanzas da stà davant porta ed eu m'allegri sün noss bels cults divins cumünaveils sün l'alp Laret, a Sur En, a Gonda, a Garsun e la predgia pella festa da la racolta chi ha lö ingon pro'l Laiet ad Ardez. Minchün da quists cults divins vain imbelli d'ün special e bel rom musical e davo staina da cumpagnia pro ün aperitiv o giantar.

Bels inscunters vaina pudü giodair pro'l cult divin da famiglias ad Ascensiu cun spassegiada e grillada a Bos-cha. A Tschinquaisma vaina gnü la visita da giuvens creschüts da Bolivia, Mexico e Berna chi s'han partecipats a la sinoda da mission 21 a Tavau. l'cult divin ad Ardez hana quintà da lur ingaschamaint pels drets dals umans e la chüra da l'ambiant in lur pajais. Ün gir tras il bel cumün da Guarda tils ha fat gronda impreschiun e l'experienza cha no'ns inclegiain malgrà las linguas differentas d'eira üna bella surpraisa per tuots.





Ün cult divin da quista stà lessa manzunar in möd special: Als 28 avuost a las 10.00 celebraina sco premiera ün cult divin cul club da jodlar da Langnau am Albis. Quist cult divin ha lö sün Prui a Ftan. Davant o davo as poja giodair ün bun «Brunch».

Cur ch'eu scriv quist text davart bellas occurrenzas in nossa raspada daja guerra in Ucraina ed in bliers lös sün quist muond. Eu less finir cun l'ultima frasa d'ün'urazchun per la pasch chi'd es gnüda elavurada ed urada da la sinoda retica a Trimmis in gün: «No't ingrazchain, nos Dieu, cha tü est cun ti'amur in tuot las crisas e cha tü nu'ns dast sü.»

Eu As giavüschi a Vo tuots ed a nos muond spranza e pasch!



Cult divin cun chant da jodel sün Prui

Als 28 avuost a las 10.00 celebraina sün Prui ün cult divin chi vain accumpognà ed imbelli dal club da Jodel da Langnau am Albis. Ans laschain surpender e giodain il bel chant, üna meditaziun e chi chi less, üna culazchun sül prümaman Prui a Ftan. Tuots sun amiavielmaing invidats da star da cumpagnia e giodair ün bel di in muntogna.

Cult divin cumünaivel a Garsun

dumengia, 4 settember a las 16.00

Cun imbellimaint musical.

Davo il cult divin vain offri ün aperitiv sül bel lö davant baselgia.

P.pl. verer ils placats i'ls cumüns.



Festa da rogaziun federala cun Soncha Tschaina e prelecziun dal mandat da la regenza

dumengia, 18 settember

Las predgias han lö: **ad Ardez a las 10.00, a Ftan a las 11.10 ed a Guarda a las 17.00.**



Festa da la racolta pro'l Laiet d'Ardez

Cult divin ecumenic, dumengia, 9 october a las 11.00 cun rav. Marianne Strub e rav. Christoph Willa.

Il bel laiet d'Ardez ans invida da restar da cumpagnia e da giodair ün bun giantar.

P.pl. verer ils placats i'ls cumüns.

Occurrenzas da noss progets:

• Il Sainin

Venderdi, ils 16 settember e venderdi, ils 28 october 2022 adüna tanter las 9.30 e las 11.00 illa sala cumünala ad Ardez.

Ün cordial invid a tuot ils uffants tanter 0 e 5 ons accumpagnats dad ün creschü da gnir a tadar ün'istorgia da la Bibla, da chantar, da giovar e da star da cumpagnia.

Per ulteriuras infuormaziuns: Marianne Strub, 081 862 23 61.



• La Predgina



La Predgina cumainza darcheu davo las vacanzas da scoula. Infuormaziuns seguan a temp ütil da las manadras Cilgia Koller ed Annina Mengiardi.

Ulteriuras occurrenzas a regard noss progets vegnan publichadas sün nossa pagina d'internet e sün placats.



Preavis: Radunanza da preventiv

da la corporaziun evangelica Ardez-Ftan-Guarda
mardi, ils 1. november 2022 a las 20.00
illa chasa cumünala ad Ardez.


L'invid e las tractandas vegnan publichadas a temp ütil.

Maisas da giantar per tuots dad Ardez e Guarda

Las prosmas maisas da giantar han lö:

mardi, ils **2 avuost** i'l hotel Alvetern
mardi, ils **6 settember** i'l hotel Alvetern
mardi, ils **4 october** i'l hotel Alvetern

Annunzchas fin il **plü tard** il di avant la „maisa“ pro Erna Fontana,
tel. 081 862 23 50. Per giasts da Guarda vegn organisà il transport.



Casualias in noss cumüns

Battaisems:

Elin Blumenthal, 16.07.2022, Ftan
Bob Amadeus Hitzberger, 24.07.2022, Ftan
Mia Uebersax, 24.07.2022, Ardez
Marie Tönett, 24.07.2022, Ardez

Nozzas:

Sara Blumenthal e Sandro Blumenthal, 16.07.2022, Ftan

Mortoris:

Jachen Claglüna-Viletta, 11.04.2022, Bos-cha
Illa Domenig-Padrun, 08.05.2022, Ftan
Ursulina Thom, 03.06.2022, Ardez
Jachen Curdin Arquint, 09.07.2022, Ardez



Vacanzas da nossa ravarenda:

Dals **10 fin als 23 october** es nossa ravarenda
sül viadi da confirmands ed in vacanzas.

Ils substituts sun:

10.10 - 17.10:

rav. Dagmar Bertram, Scuol (081 864 12 03)

18.10 - 23.10:

rav. Christoph Reutlinger, Tschlin (081 866 32 63)



Adressas:

Pravenda

rav. Marianne Strub,
Chasa da pravenda, 7546 Ardez
tel.: 081 862 23 61, e-mail: marianne.strub@gr-ref.ch

Secretariat

tel: 081 860 34 10

secretariat.pravenda@bluewin.ch

www.ardez-reformiert.ch

